

Pecyn Gwybodaeth Llysgenhadon Ôl-radd 2024



Llion Carbis

Prifysgol Caerdydd

#CynhadleddYmchwil23



I fwyafrif llethol o bobl, mae'r Haf yn dynodi diwedd y flwyddyn academaidd, heulwen a chyfle i orffwysio dros beint neu BBQ. Ond, i'r rheini sydd yn rhan o gylchoedd academaidd, mae'r Haf yn dynodi cyfnod pwysig yn y calendr - cynadleddau!

Fel cyflwynydd olaf y diwrnod, plaser ydoedd i gael eistedd nôl, traed lan, a gwrando ar y llu o waith ymchwil hanfodol oedd yn cael eu cynnal neu eu cyflwyno drwy gyfrwng y Gymraeg.



colegcymraeg.ac.uk



Cynnwys

1. Cytundeb (Er Gwybodaeth)

2. Swydd Ddisgrifiad

**3. Ysgrifennu Erthygl
Academaidd**

**4. Cyfryngau Cymdeithasol,
Blogio a chreu cynnwys**

**5. Monitro rôl / Cymorth gan y
Coleg**

6. Costau

7. Cyhoeddusrwydd a Lluniau

1. Cytundeb (Copi er gwybodaeth)

Darparu Gwasanaethau i'r Coleg Cymraeg Cenedlaethol mewn perthynas â Gwaith Llysgennad

Hoffwn eich gwahodd i ddarparu gwasanaeth i'r Coleg Cymraeg Cenedlaethol fel y nodir isod. Ar sail llawrydd y byddwch yn darparu'r gwasanaeth hwn i ni.

Disgwylir i'r gwasanaethau a ddisgrifir yn y ddogfen hon gael eu darparu gennych rhwng 1 Ionawr 2024 a 31 Rhagfyr 2024 (gyda'r posibilrwydd o ehangu'r cyfnod).

Ffioedd

Bydd y Coleg Cymraeg Cenedlaethol yn talu ffi o £100 i'r unigolyn ym mis Ebrill, Gorffennaf a Hydref. A hynny am gyflawni tasgau penodol yn ystod y flwyddyn.

Bydd hefyd ffi o £84 y diwrnod neu £42 am hyd at hanner diwrnod yn cael ei dalu am ddarparu gwasanaethau penodol eraill inni, megis gweithio ar ein standin yn yr Eisteddfod Genedlaethol (neu wyliau eraill). Mae diwrnod o waith yn cyfateb i 7 awr o waith a hanner diwrnod yn cyfateb i 3.5 awr o waith, yn ogystal â chostau teithio yn unol â chyfraddau arferol y Coleg.

Os byddwch yn darparu'r gwasanaethau hyn inni, byddwn yn darparu ffurflenni perthnasol er mwyn cyflwyno gwybodaeth i'r Coleg am y nifer o ddyddiau a'r treuliau ac yn talu ar dderbyn anfoneb gennych.

Darparu gwasanaethau fel llysgennad

Gofynnir i chi ddarparu gwasanaeth fel disgrifir yn y pecyn i'r Coleg ar gyfer cyflawni gofynion mewn perthynas â'r gwaith fel llysgennad.

Eiddo'r Coleg

Mae'r Coleg Cymraeg Cenedlaethol yn cymryd y bydd yr unigolyn yn derbyn cyfarwyddiadau am y gwaith o dan y ddealltwriaeth fod deunydd, pan gaiff ei gynhyrchu, yn eiddo i'r Coleg Cymraeg Cenedlaethol. Mae'r Coleg Cymraeg Cenedlaethol yn cadw'r hawl i atgynhyrchu cynnwys unrhyw waith yn gyfan gwbl neu yn rhannol heb briodoli'r cynnwys a gaiff ei atgynhyrchu i'r unigolyn priodol. Y mae hefyd yn dilyn fod hawlfraint unrhyw waith yn eiddo i'r Coleg Cymraeg Cenedlaethol.

Statws eich gwasanaethau

Datgenir eich bod yn berson hunangyflogedig heb hawl i unrhyw bensiwn, bonws na chilfanteision eraill oddi wrth y Coleg Cymraeg Cenedlaethol. Cytunir y byddwch felly yn gyfrifol am unrhyw ofynion treth incwm, cyfraniadau yswiriant cenedlaethol a chyfraniadau tebyg eraill sy'n gysylltiedig â'r ffioedd.

Indemniad treth

Drwy hyn byddwch yn atebol ac yn cytuno i barhau yn atebol am unrhyw geisiadau am dreth incwm neu gyfraniadau yswiriant cenedlaethol a wneir i'r Coleg Cymraeg Cenedlaethol gan yr awdurdodau perthnasol mewn cysylltiad â'r gwasanaethau.

Terfyn y cytundeb

Bydd y cytundeb hwn yn dod i ben yn awtomatig ar ddiwedd y cyfnod a nodir uchod, onid ei terfynir yn gynnar, a heb rybudd ar sail tramgwydd o'r gofynion arnoch o'ch tu chi.

2. Swydd Ddisgrifiad

Swydd Ddisgrifiad Llysgennad Ôl-raddedig Y Coleg Cymraeg Cenedlaethol

Rydym yn chwilio am fyfyrwyr ôl-raddedig brwdfrydig i rannu eu profiadau o'r astudio a phwysigrwydd y Gymraeg, i'r cymdeithasu, a cheisio denu mwy i astudio drwy gyfrwng y Gymraeg!

Rydym eisiau eich cefnogi i ddatblygu sgiliau gwerthfawr all fod o fudd i chi wrth chwilio am waith yn y dyfodol, yn ogystal â chael y cyfle i rannu eich gwahanol brofiadau, ar ein gwefan, ein hadnoddau ac ar ein cyfryngau cymdeithasol.

Gallwch fod yn rhan o ddigwyddiadau marchnata a hyrwyddo'r Coleg rhwng Ionawr a Rhagfyr 2024 (gyda'r posibilrwydd o ehangu'r cyfnod), yn ogystal â cynrychioli'r Coleg o fewn eich prifysgol.

Mae'r Coleg Cymraeg wedi ymrwmo i egwyddorion cydraddoldeb ac amrywiaeth ac felly'n annog ymgeiswyr o unrhyw rhyw, oedran, anabledd, cefndiroedd Du, Asiaidd a Lleiafrifoedd Ethnig, cyfeiriadedd rhywiol a chrefydd i ymgeisio ar gyfer y rôl o fod yn llysgennad.

Cyfnod gwaith

1 Ionawr 2024 – 31 Rhagfyr 2024

Bydd bod yn llysgennad yn ehangu eich CV a'ch datblygiad fel academyddion, ac yn cynnig cyfleoedd cymdeithasol i chi.

Dyma restr o'r dyletswyddau:

- Datblygu'r ymdeimlad o gymuned ôl-radd cyfrwng Cymraeg (gyda chefnogaeth y CCC).
- Perchnogi'r cynllun llysgenhadon ôl-radd a dweud eich dweud dros gyfeiriad y gwaith yn sgil anghenion myfyrwyr ôl-radd.
- Creu deunydd i'r cyfryngau cymdeithasol e.e blog/flog/ takeover ar Instagram am fywyd myfyriwr ôl-radd
- Dilyn a rhannu negeseuon cyfryngau cymdeithasol ôl-radd y Coleg – X ([@OlraddCCC](#)) ac Instagram ([@cccrolradd](#)), a rhannu'n gyson a pherchnogi'r grŵp Facebook ([Cymuned Ôl-radd](#)). Cefnogi'r gwaith o farchnata a hyrwyddo'r Rhaglen Sgiliau Ymchwil
- Trefnu digwyddiadau ôl-radd, ar-lein neu wyneb yn wyneb, gyda chefnogaeth y CCC
- Cynnig awgrymiadau ar gyfer gweithdai hyfforddiant fel rhan o'r Rhaglen Sgiliau Ymchwil
- Cyflwyno o leiaf un erthygl academaidd i [Gwerddon Fach](#), gyda chefnogaeth y CCC. =
- Cyflwyno fideo, podlediad, a/neu blog

- Sicrhau bod myfyrwyr ôl-radd Cymraeg yn cael gwybod am ddarpariaeth y Coleg, e.e. drwy'r Ysgol Ddoethurol a chymdeithasau ôl-radd (ar arweiniad y CCC)

Bydd cyflawni'r tasgau amrywiol uchod yn datblygu nifer o brofiadau gwerthfawr e.e. datblygu sgiliau cyfathrebu a chyflwyno yn y Gymraeg, blogio, datblygu sgiliau yn y cyfryngau cymdeithasol, ymarfer sgiliau ysgrifennu yn y Gymraeg.

3. Ysgrifennu Erthygl Academaidd

Mae [Gwerddon Fach](#) yn bartneriaeth rhwng Gwerddon a gwasanaeth newyddion Golwg360. Dyma lwyfan ar gyfer erthyglau academaidd byrion sy'n rhoi blas i gynulleidfa eang o'r ymchwil ddiweddaraf gan academyddion blaenllaw o Gymru a thu hwnt. Mae Gwerddon Fach yn cynnwys erthyglau byrion sy'n oddeutu 600–1,000 o eiriau am unrhyw ymchwil sydd o ddiddordeb i gynulleidfa ehangach – boed yn adroddiad ar waith ymchwil diweddar, yn ymateb i ddarganfyddiadau o bwys, yn drafodaethau polisi cyhoeddus a materion cyfoes, yn adroddiad ar drafodion cynhadledd academaidd, neu'n gyflwyniad syml i bwnc ymchwil dyrys. Ceir rhagor o wybodaeth a chanllawiau [ar y dudalen hon](#).

4. Cyfryngau Cymdeithasol, Blogio a Chreu Cynnwys

Gofynnir i chi feithrin ymdeimlad o gymuned ôl-radd Cymraeg drwy ddulliau technegol, a thrwy gynorthwyo â threfnu digwyddiadau gyda chefnogaeth y CCC. Byddwch yn derbyn manylion i fod yn weinyddwyr ar grŵp Facebook y Gymuned Ôl-radd, a chewch gyfle i wneud 'takeover' ar gyfrif ôl-radd Instagram neu Twitter y Coleg, lle bydd cyfle i chi rannu eich profiadau, digwyddiadau neu unrhyw beth perthnasol arall i'r gymuned ôl-radd. Bydd cyfle hefyd i chi greu cynnwys, flog a/neu blog ar gyfer ein cyfrifon cymdeithasol. I ddechrau, byddwn yn rhannu cyflwyniad a phroffil o'r llysgenhadon newydd ar gyfer 2024 ar ein cyfryngau.

Pwrpas y cynnwys: Rhoi blas a throsolwg o fywyd myfyriwr ôl-raddedig Cymraeg mewn prifysgol wrth astudio, ymchwilio a chymdeithasu gan annog myfyrwyr i barhau â'u hastudiaethau wedi iddynt gwblhau eu gradd is-raddedig, a hynny trwy gyfrwng y Gymraeg.

Cadw eich hun yn ddiogel

Peidiwch â phostio gwybodaeth ynghylch ble rydych chi'n byw, rhif eich ystafell, ffôn symudol, ac ati. Byddwch yn gall!

Os oes rhywun yn gwneud i chi deimlo'n anghyfforddus a / neu yn gwneud sylwadau amhriodol cofiwch gysylltu gyda ni.

Testun

Gofal! Nid ydym am weld cynnwys sy'n sarhaus, yn cynrychioli neu'n goddef torri'r gyfraith neu fel arall mewn perygl o ddod â'r Coleg i anfri. Nid yw hyn yn faes lle mae modd gosod allan rheolau pendant i'w dilyn - rydym yn dibynnu ar eich synnwyr cyffredin, uniondeb a barn. Bydd cynnwys amhriodol, wrth gwrs, yn cael ei ddileu a'r Coleg yn cael sgwrs gyda'r unigolyn hynny.

Pynciau i greu cynnwys amdanynt:

- Cyflwyniad i'ch gwaith ymchwil
- Digwyddiadau Cymraeg
- 'Diwrnod ym mywyd myfyriwr ôl-radd'
- Eich diddordebau e.e. beth ydych chi'n mwynhau ei wneud tu allan i fywyd prifysgol
- Mynegi barn ar fater sy'n agos at eich calon
- Unrhyw fater arall perthnasol i fyfyrwr ôl-radd

5. Monitro rôl / Cymorth gan y Coleg

Er mwyn sicrhau fod llysgenhadon yn cyflawni eu dyletswyddau ac at safon ddisgwyliedig bydd y Coleg yn monitro eich gwasanaethau.

Byddwn yn monitro eich bod yn cyflawni'r tasgau sy'n ofynnol ac os nad ydyn ni'n hapus gydag ymrwymiad y llysgennad ac yn methu cyflawni'r dyletswyddau yn ddigonol neu yn profi i fod yn anghyfrifol mewn unrhyw fodd o ran gynnwys ar-lein, ar Flog y Coleg neu drwy bostio yn enw'r Coleg neu eu bod yn cynrychioli eu hunain mewn ffordd nad yw'n adlewyrchu budd gorau a / neu gymeriad y Coleg Cymraeg Cenedlaethol (CCC), byddwn yn cadw'r hawl i ddod â'r cytundeb i derfyn yn ddisymwth, ac heb gyfnod rhybudd.

Cyswllt:

Prif gyswllt myfyrwr ôl-raddedig ydy Manon Elin James.



E-bost: m.james@colegcymraeg.ac.uk

Rhif ffôn symudol gwaith: 07472424208

A prif gyswilt y cynllun llysgenhadon ydy Mabon Dafydd.



E-bost: m.dafydd@colegcymraeg.ac.uk

Rhif ffôn symudol gwaith: 07891 544363

Tynnu llun

Fel rhan o broses hyrwyddo llysgenhadon y Coleg, Rhaid i ni dderbyn llun ohonoch yn syth ar ôl i chi dderbyn hwdi neu grys-t y Coleg Cymraeg!

Gwisg

Bydd hwdi a chrys-t y Coleg Cymraeg yn cael ei ddanfôn atoch, a disgwylir i chi wisgo un o'r rhain mewn unrhyw ddigwyddiad sy'n ymwneud â'r Coleg. Sicrhewch eich bod yn gofalu amdanynt.

6. Costau

Ar gyfer digwyddiadau lle byddwch yn gweithio ar ran y Coleg Cymraeg a bod gofyn i chi deithio iddynt trwy math o drafnidiaeth e.e car, bws, trê. Byddwn yn darparu ffurflen costau teithio i chi ei lenwi a'i ddychwelyd ato.

Bydd y ffurflen yn gofyn i chi lenwi'r manylion yma i mewn:

- Dyddiad y daith
- Manylion o le i le e.e. (Cyfeiriad Prifysgol i Ysgol ...)
- Bwriad y daith, ac amseroedd dechrau a dychwelyd e.e. ymweliad ysgol, Dechrau: 12:00, Dychwelyd 15:30.
- Nifer y milliroedd (os yn teithio mewn car), dylid rhoi costau bws neu drê yn ngholofn C.

Telir cynhaliaeth resymol yn unol â'r rheoliadau. Fe fydd rhaid anfon derbynebaw gyda'r cais. Byddwch yn cael eich talu yn fisol am eich costau cynhaliaeth a teithio.

7. Cyhoeddusrwydd a Lluniau

Cymryd rhan mewn cyfweiliadau:

Os ydych yn cael cynnig cyfweiliad gan y cyfryngau am eich rôl fel llysgennad neu unrhyw beth sy'n berthnasol â'r brifysgol neu eich astudiaethau, cofiwch roi gwybod i'r Coleg am y cyfweiliad o flaenllaw.

Mae'n hanfodol ein bod yn gwybod am unrhyw gyfweiliadau, gan y bydd hyn yn gyfle i ni hysbysebu eich cyfweiliad ar ein gwefan ac ar y cyfryngau cymdeithasol. Bydd hefyd yn gymorth i ni wrth fonitro unrhyw sylw gaiff y Coleg. Gallwn hefyd roi cyngor ar gynnwys y cyfweiliad os oes angen.

Ym mhob cyfweiliad sy'n sôn am eich rôl fel llysgennad, dylech sicrhau eich bod yn cael eich cyflwyno fel **'Llysgennad y Coleg Cymraeg Cenedlaethol'** a hefyd ceisiwch gyfeirio at y Coleg cymaint â phosibl yn ystod y cyfweiliad.

Os yw'r Coleg yn cysylltu yn gofyn i chi gymryd rhan mewn cyfweiliad, mae'n holl bwysig eich bod yn ymateb i'r cais ar e-bost neu ffôn **cyn gynted â phosibl** er mwyn hwyluso'r trefniadau.

Os oes gwybodaeth neu erthygl yn eich papurau bro lleol neu unrhyw gyfrwng am eich rôl fel llysgennad, a wnewch chi gysylltu â'r Coleg i nodi hynny i ni wirio fod y wybodaeth yn gywir, ac hefyd gyrrwch lun o'r stori i ni allu rhannu ar y cyfryngau cymdeithasol.

Safon Lluniau

Gwnewch yn siwr eich bod yn danfon lluniau o'r ansawdd uchaf posib atom er mwyn postio ar y cyfryngau cymdeithasol neu'r wefan. Nid yw lluniau ansawdd isel neu 'screenshot' yn edrych yn dda o ran delwedd.

Rydw i wedi darllen y ddogfen hon yn fanwl ac yn deall gofynion y tasgau ar gyfer fy rôl fel Llysgennad ar gyfer y Coleg Cymraeg Cenedlaethol.

Llofnod: _____

Dyddiad: _____